

書叢
韻
樓刊

杜工部集

圖書在版編目(CIP)數據

杜工部集 / (唐) 杜甫著. — 上海: 上海古籍出版社, 2003. 12

(書韻樓叢刊第二輯)

ISBN 7-5325-3495-2

I. 杜... II. 杜... III. 杜甫(712~770)—全集
IV. I222.742

中國版本圖書館 CIP 數據核字(2003)第 055816 號

書韻樓叢刊(第二輯)

杜工部集 [唐] 杜甫著

創意策劃 趙昌平 李保民

版式設計 李保民

出版發行 上海古籍出版社

(上海瑞金二路二七二號 郵政編碼 200020)

(一) 網址: www.guji.com.cn

(二) E-mail: guji1@guji.com.cn

發行經銷 新華書店上海發行所

杭州蕭山古籍印務有限公司

七〇〇乘一三八〇毫米 二四開

三〇又二四分之八

二〇〇三年十二月第一版第一次印刷

一——一〇〇

ISBN 7-5325-3495-2/I·1644

定價 一百二十八元

杜工部集卷第十八

近體詩五十七首

自公安發。次岳州及湖南作。

曉發公安數月憩息此縣

浦起龍曰。信手信心。一氣旋轉。不煩繩削。化境也。讀杜心解。

北城擊柝復欲罷。東方明星亦不遲。鄰雞野哭如昨日。物色生一作生態能幾時。舟楫眇然自此去。江湖遠適無前期。此門轉眄已陳跡。藥餌扶吾隨所之。

泊岳陽城下

江國踰千里。山城僅百層。岸風翻夕浪。舟雪灑寒燈。留滯才雖盡。艱危氣益增。圖南未可料。變化有鯢鵬。

纜船苦風戲題四韻奉簡鄭十三郎判官 泛

吳閨生曰。沈鬱英壯。唐宋詩舉要。

楚岸朔風疾。天寒鴈鵠呼。漲沙霾草樹。舞雪渡江湖。吹帽時時落。維舟日日孤。因聲置驛外。爲覓酒家壚。

登岳陽樓

昔聞洞庭水。今上岳陽樓。吳楚東南坼。乾坤日夜浮。親朋無一字。老病有孤舟。戎馬關山北。憑軒涕泗流。

陪裴使君登岳陽樓

湖闊兼雲霧。樓孤屬晚晴。禮加徐孺子。詩接謝宣城。雪岸叢梅發。春泥百草生。敢違漁父問。從此更南征。

過南岳入洞庭湖

洪波忽爭道。岸轉異江湖。鄂渚分雲樹。衡山引舳舻。翠牙穿裊縹。碧節上寒蒲。病渴身何去。春生力更無。壤童犁雨雪。漁屋架泥塗。欹側

查慎行曰。淵大沉雄。千古絕唱。孟作亦在下風。初白菴詩評

楊倫曰。結處思鄉。
• 意極蘊藉。杜
詩鏡銓

黃生曰。三四本屬
荒涼。語轉秾麗。

風帆滿。微冥水驛孤。悠悠迴赤壁。浩浩略蒼梧。帝子留遺恨。曹公屈壯圖。聖朝光御極。殘孽駐艱虞。才淑隨廝養。名賢隱鍛鑪。邵平元入漢。張翰後歸吳。莫怪啼痕數。危檣逐夜烏。

宿青草湖

洞庭猶在目。青草續爲名。宿漿依農事。郵籤報水程。寒冰爭倚薄。雲月遞微明。湖雁雙雙起。人來故北征。

宿白沙驛

初過湖南五里

水宿仍餘照。人煙復此亭。驛邊沙舊白。湖外草新青。萬象皆春氣。孤槎自客星。隨波無限月。的的近南溟。

湘夫人祠

肅肅湘妃廟。空牆碧水春。蟲書玉佩藪。燕舞翠帷塵。晚泊登汀樹。微

亦義山之祖。
杜詩鏡詮

張綬曰。如此清絕之地。徒爲遷客羈人之所歷。此萬古所以同嗟也。結極有含蓄。
杜詩詳注

馨借渚蘋。蒼梧恨不盡。染淚在叢筠。

祠南夕望

百丈牽江色。孤舟泛日斜。興來猶杖屨。目斷更雲沙。山鬼迷春竹。湘娥倚暮花。湖南清絕地。萬古一長嗟。

登白馬潭

水生春纜沒。日出野船開。宿鳥行猶去。叢花笑不來。人人傷白首。處處接金杯。莫道新知要。南征且未回。

歸雁

聞道今春雁。南歸自廣州。見花辭漲海。避雪到羅浮。是物關兵氣。何時免客愁。年年霜露隔。不過五湖秋。

野望

顧宸曰。末二句抱負甚大。感慨甚深。杜詩鏡銓

黃生曰。結語如見神色慘沮之意。杜詩鏡銓

劉辰翁曰。使晚唐諸人作北風詩。形容寫縮。定不爾有豪意。杜詩鏡銓

納納乾坤大。行行郡國遙。雲山兼五嶺。風壤帶三苗。野樹侵江闊。春蒲長雪消。扁舟空老去。無補聖明朝。

入喬口

長沙北界

漠漠舊京遠。遲遲歸路賒。殘年傍水國。落日對春華。樹蜜早蜂亂。江泥輕燕斜。賈生骨已朽。悽惻近長沙。

銅官渚守風

不夜楚帆落。避風湘渚間。水耕先浸草。春火更燒山。早泊雲物晦。逆行波浪慳。飛來雙白鶴。過去杳難攀。

北風

新康江口信宿方行

春生南國瘴。氣待北風蘇。向晚羃殘日。初宵鼓大鑪。爽攜卑濕地。聲拔洞庭湖。萬里魚龍伏。三更鳥獸呼。滌除貪破浪。愁絕付摧枯。執熱

沉沉在。凌寒往往須。且知寬疾肺。不敢恨危途。再宿煩舟子。衰容問僕夫。今晨非盛怒。便道卽長驅。隱几看帆席。雲山湧坐隅。

發潭州

夜醉長沙酒。曉行湘水春。岸花飛送客。檣燕語留人。賈傅才未有。褚公書絕倫。高名前後事。回首一傷神。褚永徽末放此州

雙楓浦

輟棹青楓浦。雙楓舊已摧。自驚衰謝力。不道棟梁材。浪足浮紗帽。皮須截錦苔。江邊地有主。暫借上天回。

回棹

宿昔世安命。自私猶畏天。勞生繫一物。爲客費多年。衡岳江湖大。蒸池疫癘偏。散才嬰薄俗。有跡負前賢。巾拂那關眼。瓶罍易滿船。火雲

洪仲曰。三四託物見人。五六借人形己。俱於言外寓意。俱見含蓄。杜詩鏡銓。

滋垢膩。凍雨裏沈一作綿。強飯蓴添滑。端居茗續煎。清思漢水上。涼憶峴山巔。順浪翻堪倚。回帆又省牽。吾家碑不昧。王氏井依然。几杖將衰齒。茅茨寄短椽。灌園曾取適。遊寺可終焉。遂性同漁父。成名異魯連。篙師煩爾送。朱夏及寒泉。

奉送王信州峯北歸

朝廷防盜賊。供給愍誅求。下詔選郎署。傳聲典信一作能典州。蒼生今日困。天子嚮時憂。井屋有煙起。瘡痍無血流。壤歌唯海甸。畫角自山樓。白髮寐常早。荒榛農復秋。解龜踰卧轍。遣騎覓扁舟。徐榻不知倦。潁川何以酬。塵生一作孝塵彤管筆。寒膩黑貂裘。高義終焉在。斯文去矣休。別離同雨散。行止各雲浮。林熱鳥開口。江渾魚掉頭。尉佗雖北拜。太史尚南留。軍旅應都息。寰區要盡收。九重思諫諍。八極念懷柔。徙倚瞻王

室。從容仰廟謀。故人持雅論。絕塞豁窮愁。復見陶唐理。甘爲汗漫遊。

江閣卧病走筆寄呈崔盧兩侍御

客子庖厨薄。江樓枕席清。衰年病祇瘦。長夏想爲情。一作滑憶彫胡飯。香聞錦帶羹。溜匙兼暖腹。誰欲致杯甕。

潭州送韋員外牧韶州

迢

炎海韶州牧。風流漢署郎。分符先令望。同舍有輝光。白首多年疾。秋天昨夜涼。洞庭無過雁。書疏莫相忘。

潭州留別杜員外院長

韶州刺史韋迢

江畔長沙驛。相逢纔客船。大名詩獨步。小郡海西偏。地濕愁飛鵬。天炎畏跼鵠。去留俱失意。把臂共潸然。

江閣對雨有懷行營裴二端公

何焯曰。此種詩淡而有味。杜詩鏡銓

李因篤曰。結構最密。而詞意能寬然有餘。杜詩鏡銓

仇兆鰲曰。首章叙廟後節日。乃傷今思昔之懷。次章叙生前節日。乃樂極

南紀風濤壯。陰晴屢不分。野流行地日。江入度山雲。層閣憑雷殷。長空水面一作文雨來銅柱北。應洗伏波軍。

早發湘潭寄杜員外院長

韋迢

北風昨夜雨。江上早來涼。楚岫千峯翠。湘潭一葉黃。故人湖外客。白首尚爲郎。相憶無南雁。何時有報章。

酬韋韶州見寄

養拙江湖外。朝廷記憶疏。深慚長者轍。重得故人書。白髮絲難理。新詩錦不如。雖無南過雁。看取北來魚。

千秋節有感二首

自罷千秋節。頻傷八月來。先朝常宴會。壯觀已塵埃。鳳紀編生日。龍池塹劫灰。湘川新涕淚。秦樹遠樓臺。寶鏡羣臣得。金吾萬國回。衢樽

悲來之感。
杜詩
鏡銓

楊倫曰。五羨殷。
六悲己。二句補寫
晚秋景。自有寓
意。杜詩鏡銓

邵長蘅曰。四句
一氣。甚足情致。
杜詩鏡銓

不重飲。白首獨餘哀。

御氣雲樓敞。含風綵仗高。仙人張內樂。王母獻官桃。羅襪紅蕖豔。金羈白雪毛。舞皆銜壽酒。走索背秋毫。聖主他年貴。邊心此日勞。桂江流向北。滿眼送波濤。

晚秋長沙蔡五侍御飲筵送殷六參軍歸澧州覲省

佳士欣相識。慈顏望遠遊。甘從投轄飲。肯作置書郵。高鳥黃雲暮。寒蟬碧樹秋。湖南冬不雪。吾病得淹留。

湖中送敬十使君適廣陵

相見各頭白。其如離別何。幾年一會面。今日復悲歌。少壯樂難得。歲寒心匪他。氣纏霜匣滿。冰置玉壺多。遭亂實漂泊。濟時曾琢磨。形容吾校老。膽力爾誰過。秋晚岳增翠。風高湖湧波。騫騰訪知己。淮海莫

蹉跎。

長沙送李十一銜

與子避地西康州。洞庭相逢十二秋。遠愧尚方曾賜履。竟非吾土倦登樓。久存膠漆應難並。一辱泥塗遂晚收。李杜齊名真忝竊。朔雲寒菊倍離憂。

重送劉十弟判官

分源豈韋派。別浦雁賓秋。年事推兄忝。人才覺弟優。經過辨鄭劍。意氣逐吳鉤。垂翅徒衰老。先鞭不滯留。本枝凌歲晚。高義豁窮愁。他日臨江待。長沙舊驛樓。

奉贈盧五丈參謀琬

時丈人使自江陵。在長沙待恩旨。先支率米錢。

恭惟同自出。妙選異高標。入幕知孫楚。披襟得鄭僑。丈人藉才地。門

閼冠雲霄。老大逢迎拙。相於契託饒。賜錢傾府待。爭米駐船遙。鄰好
艱難薄。氓心杼軸焦。客星空伴使。寒水不成潮。素髮乾垂領。銀章破
在腰。說詩能累夜。醉酒或連朝。藻翰惟牽率。湖山合動搖。時清非造
次。興盡却蕭條。天子多恩澤。蒼生轉寂寥。休傳鹿是馬。莫信鵬如鴞。
未解依依袂。還斟泛泛瓢。流年疲蟋蟀。體物幸鷦鷯。辜負滄洲願。誰
云晚見招。

登舟將適漢陽

春宅棄汝去。秋帆催客歸。庭蔬尚在眼。浦浪已吹衣。生理飄蕩拙。有
心遲暮違。中原戎馬盛。遠道素書稀。塞雁與時集。檣鳥終歲飛。鹿門
自此往。永息漢陰機。

暮秋將歸秦留別湖南幕府親友

李因篤曰。塞雁有
春秋之期。檣鳥乃
終歲不息。其所感
深矣。杜詩鏡銓

蔣弱六曰。草野孤
忠。借題發意。真
摯動人乃爾。杜
詩鏡銓

水闊蒼梧野。天高白帝秋。途窮那免哭。身老不禁愁。大府才能會。諸公德業優。北歸衝雨雪。誰憫弊貂裘。

送盧十四弟侍御護韋尚書靈櫬歸上都 二十韻

素幕渡江遠。朱幡登陸微。悲鳴駟馬顧。失涕萬人揮。參佐哭辭畢。門欄誰送歸。從公伏事久。之子俊才稀。長路更執紼。此心猶倒衣。感恩義不小。懷舊禮無違。墓待龍驤詔。臺迎獬豸威。深衷見士則。雅論在兵機。戎狄乘妖氣。塵沙落禁闈。往年朝謁斷。佗日掃除非。但促銅壺箭。休添玉帳旂。動詢黃閣老。肯慮白登圍。萬姓瘡痍合。羣兇嗜慾肥。刺規多諫諍。端拱自光輝。儉約前王體。風流後代希。對敷期特達。衰朽再芳菲。空裏愁書字。山中疾採薇。撥杯要忽罷。抱被宿何依。眼冷看征蓋。兒扶立釣磯。清霜洞庭葉。故就別時飛。

哭李常侍嶧 二首

一代風流盡。修文地下深。斯人不重見。將老失知音。短日行梅嶺。寒山一作江落桂林。長安若箇畔。猶想映貂金。青瑣陪雙入。洞梁阻一辭。風塵逢我地。江漢哭君時。次第尋書札。呼兒檢贈詩。發揮王子表。不愧史臣詞。

哭韋大夫之晉

淒愴郇瑕邑。差池弱冠年。丈人叨禮數。文律早周旋。臺閣黃圖裏。簪裾紫蓋邊。尊榮真不忝。端雅獨翛然。貢喜音容間。馮招病疾纏。南過駭蒼卒。北思悄聯綿。鵬鳥長沙諱。犀牛蜀郡憐。素車猶慟哭。寶劍欲高懸。漢道中興盛。韋經亞相傳。沖融標世業。磊落映時賢。城府深朱夏。江湖眇霽天。綺樓開樹頂。飛旆泛堂前。帘幕疑風燕。笳簫急暮蟬。

楊倫曰。三四只寫
意。高絕。杜詩
鏡銓

楊倫曰。自然佳
句。杜詩鏡銓

興殘虛白室。跡斷孝廉船。童孺交遊盡。喧卑俗事牽。老來多涕淚。情
在強詩篇。誰繼方隅理。朝難將帥權。春秋褒貶例。名器重雙全。

舟中夜雪有懷盧十四侍御弟

朔風吹桂水。大雪夜紛紛。暗度南樓月。寒深北渚雲。燭斜初近見。舟
重竟無聞。不識山陰道。聽雞更憶君。

對雪

北雪犯長沙。胡雲冷萬家。隨風且間葉。一作開帶雨不成花。金錯囊徒罄。

銀壺酒易賒。無人竭浮蟻。有待至昏鴉。何遜詩云。城陰度重
黑。昏鴉接翅歸。

冬晚送長孫漸舍人歸州

參卿休坐幄。蕩子不還鄉。南客瀟湘外。西戎鄠杜傍。衰年傾蓋晚。費
日繫舟長。會面思來札。銷魂逐去樯。雲晴鷗更舞。風逆雁無行。匣裏